

天
啓
滇
志

滇志卷之四

旅途志第

郡國未有以旅途記者滇在天末東有黔中諸夷
間之北有蜀之高土南有粵之羈縻屬縣間之道
途通塞命脉係焉昔楚莊蹻泝沅水畧地至滇池
其轉戰逐北經筮之地未有紀也秦常頡通五尺
道漢唐蒙治夜郎道司馬相如治靈關道其所鑿
山刻木之地未有紀也劉尚之擊棟蘿孔明之擊
雍闓皆渡瀘水李雄僭蜀遣李劉攻寧州刺史王
遜進軍縣小會隋史萬歲之討蠻貊自靖黔川經
大小勃弄元世祖之伐大理自戡刺分三路或縣

宴當或縣白蠻或縣滿院城而其師行所過止宿
警蹕未有紀也公孫述時句町大姓保境為漢遣
使自番禺江奉貢而其間道所趨閱歷何所未有
紀也惟唐志載貞觀十年遣祠部郎中袁滋與內
給事劉貞諒使南詔自戍州開邊縣縣曲州石門
鎮鄧枕山馬鞍渡蒙變山諭官州薄摩州界江山
荆溪谷激深池湯麻類柘東城安寧井曲水石鼓
佉龍至羊苴咩城貞觀十四年遣使劉希昂使
南詔自萬州清溪關縣大定達仕二城西南經箐
口永安木介嶺臺登城蕪所縣羌浪驛達嶺會川
河子鎮渡瀘水至此州又載安南經交趾太平峯

州南田恩樓縣忠城多利州朱貴州浮動山天井
山山上夾道皆天井間不容趾者三十里又經湯
泉州祿索州龍武州皆巖蠻安南境又歷儋邇頓
入平城洞澡水至曲江翹南地然其山川之險易
物情之變幻未有紀也

國朝通滇為列藩其入

觀之路置傳設驛焉曰東路間道走蜀者曰西路頃
歲安化衛決為首吹聲東西道斷因此走金沙大
渡曰建越路建越多夷患復下能以時開通又南
問道粵西自廣南達南寧其分岐而合於廣南者
通曰廣南路廣南在滇之南折而東北始達南寧

其道迂又有縣東直走羅平安麓以連田州者曰
 羅平路一一撮其亭微焉覈其遠近險夷考其人
 情焉東路縣黔以達於沅州始為楚郡故止於沅
 州志普定興隆路并志黔志黔亦以志滇也黔之
 暖心滇之咽喉也志清浪晃州路并志楚志楚亦
 以志滇也楚之邊徼滇之脣齒也西路縣黔西以
 達納谿建越路縣會川以達榮經始為巴邑故止
 於納谿榮經志烏撒建越路并志蜀志蜀亦以志
 滇也蜀之藩籬滇之門戶也廣南羅平至于南寧
 始為粵郡故止於南寧志歸順田州路并志粵志
 粵亦以志滇也粵之窮荒滇之阨塞也諸路皆縣

陸惟金沙有水道而未通故以金沙江附焉山川
書其歷不書其望艱難險阻迂怪謠俗咸書以補
他志所不及云

陸路

普安入黔舊路

雲南治城三亭而達板橋驛近郊有金馬關

板橋達楊林所號三亭實六亭

者察赤水鵬

楊林所達易龍驛

有木峯關守禦所

號三亭

納禧羅傍

實七亭羅

傍山枕楊林海子方如支郡三城有漁舟百十艘白

古記云波羅傍佐蒙氏細奴羅出於激江之側衣錦

袍執儒書教之以文厭羅制之暴伏龍虎之嗔山名

蓋繇此立爾有黃坡沿海扼塞昔穢騰永叛卒於此

易龍達馬龍州號三亭

趙福白塔昌隆

寬八亭途經小關索

嶺古城堡魯婆伽巡檢司大路多闊場花冊素二米

馬龍三亭而達南寧驛馬始用昆蹄昆蹄者範金蹄

馬蹄以禦石齒爾雅曰昆蹄善升甌郭璞曰甌山形

如甌字通獻或曰周公通九夷時所制也有響水關

南寧達白水號三亭

阿幢橋分水文水

寬八亭交水平川可

走輪阿幢橋有大道走曲靖府號三岔路有鐵溝哨

白水達平夷六亭

多羅響水石層

有茶花箐多盜路有清溪

洞面溪流中容深篁火入之有浮屠龍象芝朶雲英

之像皆石乳溜結者有桂花洞有桂一本百八根盤

洞底枝出洞外秋華時香徹他山

平夷衛六亭

火燒東堡平夷

而達亦資孔驛枕石象山中路

有棹楔曰滇南勝境還觀山平天閣東望則箐霧瘴

雲此天限二方也有平夷所馬鬣嶺硝洞

亦資孔驛達普安州號六亭實八亭

高子海子大高我娘

有香

納牟山土人稱雲南坡陀相續行石蓋中土人曰

我道掌平問亭哨隔閣兼山猶曰咫尺耳

普安州達新興驛號六亭

板橋華利橋麻水塘高麗

實八亭而時

出城有狗場坡民無編戶土酋號十二營長其部落

有羅羅仲家訖獠焚人言語各不相諳以棘人譯之

夷俗有火炬二節丑未月之念四日是其辰也是節

擊鮮以祭小兒各持火喧戲于市若中州上元然撒
麻亭有八部山地名舊普安唐盤州遺址在焉有軟
橋坡其水為盤江之委板橋坡地廣黃壤樹多青松
土人燧松梯以代燭堡站實枕新盤山

新興達安南衛號六亭

芭蕉松樹牛場臘茄烏鳴

實八亭有新興

坡芭蕉關分水嶺江西坡沙子嶺上老鴉關沙行者
十六石行者十四衛城南關有尾灑井清井可茗因
以名驛夷言尾灑華言水下也

安南達查城號六亭

尾灑水洞室甸盤江黃土坡

實十亭而遙有

哈馬章倒馬坎盤江坡至盤江江出烏蠻匯於廣西

者香江

江即左

饒瘴癘草青之日有綠烟騰波散為宛

虹駁霞觸之如炊杭菰藟行人畏之江岸乃靖遠伯
南征喪大師之所每水溢時多化為異物過江有癩
石坡黃土坡西關坡山幽箐邃吐霧彌天不分咫尺
行者前後相呼

查城四亭而達關嶺

安龍箐曰
口達關嶺

茲東路險絕首程也

有白口坡東坡安龍箐坡有胡椒凹有象嶺石右皆
崖箐萬仞中僅有道如梁行者慄汗有香樹坡小箐
口坡草多芝鳥多山呼獸多熊中途懸巖有呂公像
中繚員劔跣足與世畫象無異泰和郭相圭司馬題
神留宇宙四字於山阿石上舊自查城至白水路餘
馬痛萬曆中葉當事者請移却傳於關嶺所執政誤

讀嶺為山嶺遂承

旨為關山嶺驛

關嶺四亭

雞背白水阿橋

而達安莊衛關嶺四十三盤而下

有雞公背與關嶺相對兩山之趾界以溪澗至白水有懸崖疊水飛流瀑布自山端下注二嶢相承下為深潭神蛇宅之見者必嬰重疾又謂有水旱時出巖谷後徙去夏漲時噴沫如雲霧冒數里

安莊五亭

龍泉馬場楊家橋

而達普定實茲荒徼名都舊永

寧安順鎮寧三州同城今移鎮寧於安莊永寧於安

南而擢安順為軍民府自威清以西皆隸焉地稍平

衍山如髻髮城南闔有塔山浮圖標其顛兵使者署

中有石化樹可四五尺碧葉紫花結實紅而黑其本
猶石也浙藩司之後園亭佳勝相傳賈似道別署有
樹花石石根猶古松也物理之奇聖人亦有不知

普定六亭

沙作飯龍
寓阿箬樂得

而達平壩衛

平壩四亭而畸

阿冬鎮夷
狗場的澄

達威清衛有的澄橋其水

黜湛夾堤多蓁葉城中有崇寧寺中有滿空遺像

滿空

自號白雲其詩有百官此日知何處
惟有群鳥早晚朝識者知非恒僧云

威清五亭而達貴州治城

附江小善
樹六寨

山稍夷顙靖澗

夾路多野橙以春冬之交華治城近巖之秀者曰鳳
凰帶城有襄陽橋林多貴竹有貴竹長官司因竹以
名州野產紫芝土人呼蘭王解蘭毒城市以猴克二

辰為易

貴州五亭高寨獨斷而達龍里衛

龍里六亭乳雞窠城新而達新添衛路夾長澗有長

谷坪空洞坡野猪洞龍徒坡野猪洞猪穴之石崖截

立千仞盤回復進人騎帶戒恒有隊者新安對亭有

埭峭立而上平下有洞深靚九龍觀標其顛

新添達平越衛號六亭崖頭冷溪黃絲實十亭而達

經望城江西羅羅百陽倒馬五坡有谷蠻關龍場蛇

場路皆石齒馬什軌昆蹄踏聲蹀然火星出地箐有

苗窠行者側足焉

平越達清平衛號六亭三羊場楊實九亭而達陟

梅嶺間度麻合江津人乃木僚夷江浹苗人以石墜
就水澤髮僚家夷女留鯁鯁以供贖祭地有羊場雞
場實諸夷五市以十二辰相遞歷十二日一市每場
歲三十市歲暮即場醪會特牛角為觸吹蘆笙為樂

清平達興隆衛七亭而遙

落燈羅街重安周洞黃猴渡

重安江江

色如渥靛岸樹二桓絙纜絕之舟脩纜以渡有雲溪

洞可隱千室望香爐山為邑三城其高敞霄下肆無

景上有瀟沅一溪沃疇千剛聚落千部時出禦貨戕

人官兵來討輒泝水下注酉陽土兵環之弗克攻有

隕白崖者獲之詢之江佑也舍之苗俗以長至為歲

朝考鼓擊柝群飲醉卧土兵尾江佑以登闕其闕殺

其閑焉者二人急擬金群帥悉登盡殲之遂城香爐
為官戎其降酋於黃猴落燈之間

興隆衛五亭而達偏橋

履城東坡王五

途經東坡有巖洞類

梵壁普陀境垂乳結溜象雲朵芝英懸泉淙然通雲
泉閣月潭寺萬曆中黔直指永昌薛繼茂剖竹架懸
巖取澗水入寺

偏橋衛達鎮遠府六亭而達

白羊九曲望雲劉家莊青岡

渡河而

東有相見坡望城坡望雲閣九曲閣油榨閣沅水汴
汎舟通鎮遠而止近決石梁通至偏橋

鎮遠達清浪號四亭

宛溪焦溪梅溪

實十亭途經草鞵坡雞

鳴閣

清浪四亭而遙兩漢楊坪達平溪衛中渡沅江有義眉太

平二堡

平溪六亭而遙

閩瀟米精鮑魚

達晃州州廢名存

土人相傳此地為古夜郎無據焉爾

後漢書曰夜郎東接交趾其地

在湖南君長本出於本以竹為姓唐志夜郎隸夷州宋志隸彌州今廢古夜郎城在貴州石門府舊縣長

官司西六十里興晃州絕不知土人何因傳說也李

白流夜郎實未至夜郎而返其詩曰夜郎萬里道西

上令人老又曰五色雲間鵲鳴天上來傳聞救書

至却放夜郎回又曰昔去三湘達今還萬死餘意者

太白上夜郎近三湘至晃州聞途經南寧鮑魚二堡

命而返遂以晃州為夜郎然

山產石墨道皆黝泥

晃州驛五亭而遙新村冷水達便水再亂沅江途亘

蜈蚣關山連道近形如其名樹多梓土人燧梓膏以

代燭

便水驛達沅州號四亭

粟子冷水實八亭州臨江江

統明山自沅以西亭徽荒漫記里多倍而遙祖宵雨
燎相積跋地乃至路經粟子閑地產玉泥可陶陟阪
石滑捨騎乃躋

自雲南至沅州一千八百九十里為東路

太史楊莊介公得罪南竄自公安至博南為滇程
記亭徽之遠近山川之夷險盡此矣今取其自會
城至沅州者稍增損志東路西路而下不揣固陋
摹擬續之希國能而失故步不如楊公之學常比
耳噫辛酉以來黔亂如麻昔之行輪蹄者今之阨

塞戰場也甚有相距數百里而經年不得通者撫
茲編讀之奚啻聚米於案畫圖於樓哉

烏撒入蜀舊路

縣交水西北五亭而達松林驛平腴相半舊名普魯
古今以名堡

松林七亭而達炎方驛有火忍都堡途經松韶關孫
清愆公生於此別署松山不忘所本也

炎方八亭而達霑益州與烏撒後所同城始食蜀鹽
西有崇山連亘數十里曰石龍山土酋安火所居有
水箐坡馬鞍哨土兵守之皆隸安火

霑益八亭而達倘塘驛有倘塘站隸黔中賓滇黔蜀

錯繡地自倘塘至納谿縣皆貴州都指揮馬燁所開路

倘塘達可度五亭而遙有大谿出山谷中清而駛梁以巨木橫溪上曰可度橋因以名驛隸四川烏撒府其站曰普德歸有石牙有石井中峭石巖路漸峻滇疆止於石崖

可度九亭而達烏撒衛有四川烏撒府與衛同城烏酋所居曰鹽倉去城一舍中道停驂之所有古松四株其陰道有楊橋三灣

烏撒八亭而達瓦店有檉木林橫長十餘里縱莫知其極樹多梨以地險多夷寇行人莫敢取鹽倉酋縱

馬其中食之其阨塞有磴子坎每月以午未日聚行
旅千餘嚴兵乃過

瓦店七亭而達黑張自烏撒以西山地瘠不宜稻惟
此地有稻田數百畝烏撒瓦店皆仰食焉有天生橋
產銀廿

黑張七亭而達周泥至野馬川即望周泥在面山下
至山趾陟七星關山顛窮日乃至七星關水瀦於陸
廣水勢滿漭為滇蜀要津昔梁王追明玉珍於此舊
未有橋嘉靖壬寅有道人黃一中募脩之甫衡一木
即墮水死越七日浮口端坐水面居民塑像祀於江
許懸崖架木三年乃成

周沘九亭而達畢節衛黔西諸驛皆隸蜀惟畢節驛隸黔

國初都督馬燁鎮貴州裸捷水酋婦奢香款激之叛因盡羅鬼開水西為郡有宣慰同知宋欽妻劉氏間道走金陵訴之

高皇帝命劉召奢香與子婦奢助至宮約令刊山開龍場九驛自貴州至畢節乃徵燁殺之香遂設九驛廩餼馬匹皆水酋供之

畢節七亭而達層臺所舊有衛今廢有木稀巡司倒馬坎

層臺六亭而達白崖有相見坡

白崖五亭而達赤水衛衛在雪山關下臨赤地河河源出芒部冬春以纜連舟為浮橋夏秋泛溢奔流津人舣篙枕乃濟

赤水七亭而達摩泥所躋雪山關嶺頭曉瘴霧鮮晴地行淖淖中人馬困之

摩泥七亭而達普市有一碗水坡泥行如雪山關行人謠云摩泥普市天三日無雨似神仙大祇黔中為古牂牁郡古志云上值天井故多雨潦信然夾路皆深茅多戾虫不可瞋行

普市十亭而達永寧衛蘭首與衛夾江而居水至納谿縣達于江

國初景川侯曹震奉

命庀工開之其灘一百九十五名灘八十二石之大者鑿之水之陡者平之舟楫通焉刻石於江門大灘上

永寧五亭而達永安

永安驛七亭而達江門

江門驛七亭而達大洲沿江有九溪十八口刊山鑿石崩劣多不可騎

大洲驛六亭而達納谿縣江中有三層峽天子登至渠壩有馬關王七空橋今廢馬關王即馬燁燁鎮黔果於殺戮諸羅憚之故云

自交水至納谿一千二百一十里為西路

昔

天兵南下以西平督東師戰普定潁川督西師戰烏撒南土既定遂以兩路置傳為神京孔道滇人一出也自交水十五日而達永寧順流大江其歸也挽舟為難則邇沅水取道貴筑邇來滇師西援成都烏撒為二陵之禦遂破畢節隨烏撒可度以外無復人境矣夫滇人西出而東歸若兩息出入然然四衛是無滇也亂後輪蹄絕跡津渡日迷即旦暮再闢亦不能無師老馬矣

建昌路考

縣雲南治城西北達富民縣可八亭有河環流縣治
即滇池之流也河有輿梁途經如高坡清水關

富民西北十二亭達武定府有雞街子坡趾夷而頂
峻東南為雲南西北為武定官兵征鳳繼祖敗績於
此踰坡有小甸關扼要可守

武定西歷烏龍洞躍鷹村高橋村至馬鞍山七亭村
落十餘皆枕山面沅川原平行廣二十餘里有徑路
涉高橋水徑一亭冬春乃通

踰馬鞍山西九亭達元謀縣歷黑箐哨陰翳多淖出
箐至八蜡哨乾海子林杉森密猴猱扳援不畏人崇
山複巔澗有積雪氣寒冽下馬頭山始平行氣始炎

樹多木綿其高干雲有金剛鑽樹碧幹蝟刺漿殺人
土人密種以當籬落地宜井蔗芝麻有微瘴虛仁驛
在中道今郵傳俱廢止存板屋二十餘家

元謀北六亭達黃水園舊有環州驛今廢歷馬街子
龍海落地皆平原而荒人皆撻夷緜龍海落西渡河
有宜林村緜宜卻達姚安秦蜀賈人緜越建來者緜
此入迤西諸郡其地無關察可以逋稅

黃水北四亭達江邊金沙北渡有三一緜賓川渡江
至北勝蕞蕞可通鹽井衛地屬番夷不可行一緜大
姚縣魚閣渡至黎溪一即此江水駛奔挽舟里許乃
橫舟亂流而濟江北無居民惟南岸有巡檢司傍而

居者百餘家多好浮屠

按謝在杭北溟畧金沙江一曰若水源出旄牛徼

外

在麗江西北

東南至於麗江鶴慶北勝姚安諸界水

濱產金沙故名山海經曰黑水之間有木名曰若

水若水出焉水經注曰若水南經雲南之遂久縣

今金沙江巡檢司是也又東流合緬水孫水淹水

瀘水注于馬湖諸葛亮南征渡瀘即此昔黃帝長

子昌意德方不足紹承大位降居斯水為諸侯要

蜀山女生顓頊於若水之野是其地已楊慎宿金

沙江詩往年曾向嘉陵宿驛樓東畔欄杆曲江聲

徹夜擾離愁月色中天照幽獨豈意漂零瘴海頭

嘉陵回首轉悠悠江聲月色那堪說腸斷金沙萬里樓

渡金沙江北五亭達姜驛初行谷中緣溪而上十里升火焰山其高三十里峯回路轉陡絕之處翼以木棧至山顛三里許即姜驛驛久頽圯近署茅屋三四家後有夷寨羅婺居之昔從克酋叛今雖就縻尚克綽可畏江外地皆逼東川七州蜀令不行滇稜莫震中關通道亦蜂腰之勢也

姜驛北八亭達黎溪站初行三里有石躡行都司界滇徼盡此三十五里有松平關松杉參天其密如鏤行松陰中晝日不絕山產白銅品上者曰白缺可入

丹藥

黎溪北七亭而達鳳山營有五里坡險隘多盜七州夷寨夾路驢馬昔擒克酋於此鳳山營設于山顛下有二營曰火燒曰觀音聯絡山麓鈴柝相聞實要地云

鳳山北五亭而夷達會川衛中道曰綠廠有銀井開文其岑樓脩眎皆平蕪山川明媚

會川西北五亭達大龍站道始嚴竹旅千百人結隊而竹營哨之兵前驅每月放行人兩次曰送哨

大龍北六亭至巴松營始邇孫水漢志云孫水出臺登縣南至會無入若水臺登卽瀘沽會無卽元謀也

夾岸皆崇山羊腸百轉逶迤而北高下因山縈曲因
水陵谷間絕者為危橋以度水蝕山趾石齒爭犄者
不可通輪蹄或行水中夏秋瀑漲則道斷山水稍衍
之地為營哨環重垣塹深隍為草屋以居戍卒恒有
火災水之東為猓西為番猓皆椎髻被氍毹持刀
盾番屬居碉房髡頂挾弓天剗掠無時掠貨貨并縛
人入其寨以繩繫兩指環以火索重賂以贖不爾則
賣之遣夷每一人償以十牛稍就羈縻者曰熟蠻偕
官兵偵捕官給貨糧焉

巴松站北六亭達白水歷甸沙闊滋泥坎公母營四
腦營皆隘道人騎貫魚行夷患遠家有之而甸沙滋

泥為毒將至白水有金川橋一木橫溪濶三丈許俯
瞰水面百丈如碧瑱昏澄不見其流

白水六亭而達阿庸歷觀音營半站營其橋曰小高
橋河西有德昌所產美材賈人販之一版十金者至
江南可百金又山中產不燼木其木得於山谷石脉
中掘深丈許非石非木堅而且白鑿之綿綿不斷如
絮續以為悅投火不燼名曰火毳漢桓帝時梁冀作
火浣布單衣會客行酒公卿朝臣前佯爭酒失杯而
汗之冀偽怒解衣而燒之布得火燁然而熾如燒凡
市垢盡火滅粲然潔白如水澣即此神異經曰南方
有火山長四十里廣四五里生不燼之木晝夜火燃

得烈風不猛暴雨不滅火中有鼠重百斤毛長二尺
餘細如絲恒居火中時時出外而色白以水逐沃之
即死績其毛織以作布若汗以火燒之即清潔也又
似別有一種者將至阿庸有松盤頂枝葉龍旋如偃
翠蓋因名其地曰一把傘

阿庸北九亭達祿馬山水長拓平時千畝而人民稀
少燕穢太平河西為葭井衛匝沙灣黃連堡沙行二
十餘里時有颶風揚塵沙蔽天其厲揭而涉者曰潢
水河河源有海方廣二十里梁而度者曰大高橋
祿馬北折而東七亭達建昌衛即古邛都阻重山面
邛池八部志曰邛河縱廣岸二十里深百餘丈魚長

一二丈頭特大遙視如戴鐵釜李膺益州記云邛州
都下縣有一老姥家貧孤獨每食輒有小蛇頭上戴
角在林間姥憐之貽之後稍長大遂長丈餘縣令有
駿馬蛇咬殺之令因大怒恨責姥出蛇姥云在床下
令即掘地愈深愈大而無所見令又遷怒殺姥蛇乃
感人以靈言瞋令何殺我母當為母報讎此後每縣
輒聞若雷若風四十餘日百姓相見咸驚語女頭那
忽化魚是夜方四十里與城一時俱陷為湖土人謂
之陷河惟姥宅無恙迄今猶存渙人抹捕必依止宿
每有風浪輒依宅側恬靜無它風靜水清猶見城郭
樓櫓曼然今水淺時彼土人沒水取得舊木堅真光

黑如漆好事者以為枕相贈東南十餘里土官村有
徑路繇涼山可達水西產馬頸長而身短善升峻阪
建昌東北五亭達禮州所

禮州東北七亭達瀘沽驛一路盡莽莽以烟火寇盜
視前更劇曰關王廟曰貓兒坎曰溪隴站曰三道溝
曰大灣曰梁甫墳皆桐槽諸番伏莽之地非厲兵不
得過

瀘沽東五亭達晃山所有瀘沽峽堅崖環水剝削一
徑繞山腰如帶仰視壁立于霄俯瞰無際旁有小徑
皆桐槽夷賊出入之路峽共長十五里出峽至錢廠
踰通濟橋折而東始脫孫水漸望晃山有奇峯如巫

山

晃山北八亭達通相營歷小相公嶺盤幽古而上可
三十里逼近夷巢出沒之途千谿萬徑列營數十聚
兵幾千猶時有梗塞之患踰嶺冬月多冰槽滑不可
步稍失足即墜深崖兩雪甚必懸車束馬而下險與
瀘沽埒行旅度瀘沽相嶺則相慶脫險云

通相營三亭達越萬衛有棹楔標南中第一關

越萬北六亭達利濟驛踰青岡嶺迤東行空山中諸
夷環向大創之後稍戢

利濟北八亭達西驛地酷寒無五穀居民皆仰食
河南中有徑路達義眉縣可避大相嶺大渡河亭卒

單弱遂為番夷所據

鎮西北八亭達河南站歷鎮西所有隘道行陰谷中
循水而下其水曰河南溝歷危橋二十餘

河南北六亭達富林營登驪經關關頭有驪經石方
闊五尺餘外澤而中空相傳玄裝歸自西域暴經石
上下開濟大渡河河源出土番急流注下險惡倍於
金沙夏秋之交瘴毒甚厲又有流沙河不可以舟人
馬皆徒涉

富林北八亭達黎州安撫司有大渡河所其城三面
依山臨深谷為陁可數十丈一面通大相公嶺途經
古漢原縣高山有良田千畝有啞泉其出無方人馬

飲之輒死西入天竺茶商行之至大節盧而止
黎州東北九亭至箐口驛度大相公嶺即邛崃山王
陽所歷九折坡也而嶺名相公蓋以武侯得名西南
至黎州東北至箐口其山乃竟山頂有孔明廟父地
石像存焉行者過之相戒無譁不爾必有颶風颺雪
磚雪瓦傷人肇陽國志曰邛崃一名邛笮故邛人作
人界也巖阻峻回曲折乃至山上凝冰夏結冬則劇
寒有長貧若採八度之難陽母閣峻並坡名黃泥堡
有七縱橋太史楊慎過之改為七橋以孔明將畧在
橋不在縱也詩曰九折剌史坂七橋丞相橋沈黎漢
原古巖道蜀關遙東馬冰槽滑乘槎雪淨消我行再

過此感慨託長謠其詩鐫石碑在川主廟前今碑已斷仆道左

箐口三亭建榮經縣經川主廟為孔明知孟獲處自雲南至榮經縣一千八百六十里為建越路

元謀在滇西鄙自姚楚入則徑自滇上入則迂故武侯渡瀘取道白崖萬歲南伐轉戰勅弄

本朝建會城於善闡以西偏為屬縣邇傳商旅未有不經會城者茲路雖設僅有空名環州姜驛郵卒無委積之供大渡金沙津吏闕沙堤之築遂謂遊邛都者皆迴車過瀘沽者必微服其實火焰以北盡率江潯祿馬禮州原可走輪兩嶺非有關索之

峻兩津非加槃和之惡也東西不靖茲實上游謂
宜招集驍勇補營堡之單弱剴削巉阻開道路之
驚紆又禮州德昌盈盈一水順流數日可達金沙
皆當乘時開通未利百世況茲荒徼番獮跳梁聞
通道于中則盤錯之險盡失而金銀丹漆焚燹作
馬之屬絡繹于雅黎嘉眉之間非惟滇賴蜀亦利
焉差任其幽阻罔思後圖恐滇道一斷而五衛失
輔車之依蜀且患長鞭之莫及矣

粵西路考

錄雲南治城金馬之南歷狗街至大澳村為呈貢境
遵滇池東岸梁王山麓至馬軍舖為歸化境又二亭

達晉寧州可九亭而夷

晉寧東南循松子山澗行路濱谿水峯巒如列戟至
河澗鋪登關索嶺西瞰滇池東觀激水為迤東阨塞
漸下至茨桐鋪踰石關達江川縣九亭

江川東循星雲湖上行有海門橋撫仙星雲之通津
也度橋而南過甸苴關踰二山皆寧州地又循杞麓
湖上行至通海縣號七亭賈六亭而夷

通海南至曲江驛江有汎沙甚深策馬亂流可濟稍
駐足有陷者秋水突至即為巨津舊有渡舟恒苦漂
溺巡按御史沈正隆捐俸建橋三成汎走無著力處
窮人力掘汎見土而後甃以巨石首尾三年乃落之

董其事髮僧米如淨路號八亭宵九亭而畸

曲江南至臨安府氣漸炎夷險皆半可九亭

臨安東南歷漾田安邊峭有三轉灣坡多盜坡竟至
阿迷州通十二亭

阿迷東踰橋至東山關有崇山齊山必窮日力乃至
山顛為馬者峭土酋普氏據其地重柵守之居者百
餘家夷多於漢可四亭而畸自阿迷東入夷巢無亭
微止宿天明行至日中而稅多野處

馬者東壁矣馬驛至多梳舖六亭羅夷居之去多梳
里許有石洞幽邃泉水出焉水清冷流石成渠有淙
淙聲居人以瓮瓮負水出諸洞二三月間涸涸汲者

窮其源或深入數里

多梳舖東南歷木瓜舖永寧哨至羅台驛四亭矣馬
羅台舊有驛今俱廢驛記藏之廣西府地俱為普氏
夷寨襟以四方流移漢人數家踰山有架衣莊產聖
甲木瓜舖綿芋可百里西北枕山而莊者為新城所
地高乾無可種時其產木綿馬金囊

羅台驛踰山而南經倒馬坎林深磴險谿徑雜出昔
有普者輅者為夷賊巨魁荼毒行旅今就擒其地隸
普氏而沙儂洞處夷患時有普氏設哨守之夾路多
松土人劈為木片以代瓦大風雨則不能禦至隴希
寨共四亭

隴希南至新哨儂普二氏分疆之所常為緝獲所焚
有旁徑滋寇共六亭至彌勒灣山稍平夷一望沙磧
皆戰場疆理隸彌勒州以漢官火不至儂比戶境至
此而又遠不能制水下陸詔以普諸酋五爭之戎馬
紛沓居民望風逃匿無寧日焉

彌勒灣東踰山有竹子箐荆棘叢生莽有伏戎過楊
屋必勒機舍三寨臨俺排江循西岸而建江出兩山
中瘴毒不可通清明後為酷暍之無治者江東有大
八百小八百二寨皆儂比屬夷至俺排寨有公署建
於寨之下誅茅為屋六楹環以木柵共計八亭而建
自公署度板橋絕江循東岸歷草雷寨馬鞍山六郎

者莫王者豹公署號八亭實六亭

者豹東南壁小者馬寨有徑路通季達賊又南壁首
茅者兒羅幹連徵皆有溪流沃田耕耨而獲多路出
田中共六亭至連為寨舊有連為驛今廢

連為東南壁母忙寨至木錢下有公署上有儂夷寨
數十餘家路坦夷可四亭

木錢南歷那意那堵者圖大者馬有高山深林四亭
至廣南南夷漢謀處可千餘舍居民皆樓居以竹為
椽柱覆以松皮去地三四尺人居其上畜溷於下中
設地爐懸稻穗於上薰令極乾每日暮而食編竹籠
若魚罾疊疊數十置西南隅以祀鬼耳大鼠非上賓

不設萬曆末年儂氏兄弟爭立糾交陵入犯兵燹之
餘民居皆草創田野莽蕪未復業焉有楊廣廟昔伏
青部將楊文廣追儂智高至此土人立廟祀之在治
西三里許

廣南南至寶月關連山皆峭壁不可通惟此鑿石通
道儂氏設關其上嚴啓閉踰關至公署可五亭

寶月關公署南經可王寨至西洋江五亭有崇山峙
江岸江之淺者可揭而涉為廣南富州界廣南之夷
曰儂人富州之夷曰沙人氣類畧同而沙視儂為勁
渡西洋江有崇坡躋峻至羅貢箐冠盜叢箐林中南
往者必索西洋兵北來者必索富州兵為導富酋李

此與儂七構隙兵不越境或伐巨木橫箐中以絕往來兩七禍未多則羅貢道斷或取道歸朝焉出箐至羅貢寨共四亭

羅貢南歷沙斗位來踰山上下可十里至布戛寨共四亭

布戛南五亭至富州居民千餘家習氣類廣南首沈明通孱弱不振州治為其下李天保所據明通出奔歸朝天保內脩甲兵外結交趾傲睨歸朝廣南歸順間稱勅敵焉

富州東南三亭至板崙田疇廣沃人民殷富實荒徼與區有公署災于火

板橋東三亭至納桑寨八署去寨二里許

納桑南入納桑箐地隸廣西鎮安州實滇粵甌脫地
箐林頗羅貢而嶮巖過之佳符取人多扼於險出箐
至鎮安州四亭居民多依削壁搆竹樓覆以黃茅為
園倉以囤穀差參茅舍間徑路僅容一人其下皆腴
田竹人野宿田中侵晨啓行寨夷必焚其籍草以辟
鬼州南有交趾寨莫氏以官監之鎮安酋長岑氏半
服役焉每年納氈毳數十領以當賦稅

鎮安東行川原中原窮登巔南入苟把箐其長三十
里林莽倍密實交粵棄地夷寇之來莫知其踪行者
以土兵夾衛出箐為箐口寨共六亭寨隸歸順居民

稍就平原

箐口東踰巔下至苟把寨有照陽關石壁峭立半壁
有石洞穴山而過路出其中可十畝闕西望朝曦出
白洞中故曰照陽上下有石隘磴石峻增礙車馬稅
輓軌解鞍羈乃躋入關至安得寨共四亭

安得東歷打濫箐草棘亂生木多桂竹多棕有山呼
鳥鳴林中谷響相答自此多石山拔地突起山環差
域中有平疇者曰硎路出其中出入之所皆有石隘
良田美池一年耕穫常足走二三年伐竹構居績綿
為布居民有老死不踰硎如避秦人者見車馬絡繹
聞華人言皆聚觀驚詫男子能華言巾棉短衣皮履

婦人椎結跣足長裙其硎曰打濫曰平砦曰細村自
安得至細村六亭

細村東歷六硎那馱至歸順州六亭有石山三峯奇
峭如蘓比水假山地氣溫煖草木四時常青土酋尚
禮法馭下以嚴閤境無盜商賈湊集如中州焉州治
北有險砦下有徑一日而達交趾高平府

歸順東有河渡輿梁一徒杠二歷花硎至霸籠壩六
亭而遙有石隘三

霸籠東歷湖運關有河出交趾達左江湍瀉石中不
可以舟循河行有上雷州在河之右下雷州在河之
左厲揭而涉者一徒杠而度者二其地陰凝陽泄明

發寒氣浸人亭午即炎炎如坐炊餽隆冬猶汗浹背
其人皮冠而絺衣詢之云煖其首則諸疾不作氣使
然爾稻田而熟竹有刺可作籬落白霸籠壘下雷州
六亭

下雷州六亭有高山公署行旅止宿苦無水踰石隘
有三脚村茅屋數家皆荒狼不能華言

三脚村東歷石隘四五處倍高險六亭而達龍英州
環州石峯削而銳如笋刺地而出酋所居背負一峯
高出諸峯之上

龍英東有關為太平州界其地去交趾僅二亭漸上
高岡下至聳洞六亭

聳硯東過養利州盡日行硯中平行可方軌樹生石
上根蜿蜒入于石四亭而遙至七村

七村至左州三亭始有城郭民始平居葦言州枕左
江舟行十日而達南寧

左舟東達馱蘆四亭

馱蘆東亂左江至新寧州四亭

新寧東至牛岡六亭

牛岡至南寧府再亂左江五亭而遙

縣雲南治城東蘆水海子黃土坡七甸至湯池九亭
湯池歷老大坡宜良縣一碗水土官哨白水屯至路
南州八亭而時有陳家渡水出陸涼州達寧州

路南東南歷板橋北小色桑大色桑林馬洞至發矣
哨七亭有草泥巡檢司毋伏矣哨多石

發矣哨東南歷馬矣哨龍鋪六豐上馬州至彌勒州
八亭

彌勒東南歷彌南哨橫水塘青水哨石子哨矣勒新
村習干中哨新潭芭蕉村至竹園村七亭其途坦平
可通輪

竹園村東南歷石牛坡拖正舊哨新哨至江邊共八
亭江濶六十餘丈水通曲靖府阿幢橋岸有坡崎
地隸土酋普世隆其疆止於大百戶渡江上坡亦崎
嶇歷大百戶有普世隆寨又歷懷遠哨至阿小寨隸

普國禎山後有砦共八亭

阿小寨東南歷卜洪寨大勒八到二哨矣堵村至三鄉城九亭

三鄉歷歸德哨至彌勒灣七亭繇彌勒灣會於廣南路

繇彌勒州入廣西府歷龍回村吉雙鄉矣明村阿平阿朝耶歪鴉迫至竜得哨七亭龍回村有龍回橋矣明村有草子山

竜得村東南歷小寨小江橋大江渡象鼻嶺以入寨布榮寨矣夷寨石頭寨小河至密勒勒九亭自廣西府至江邊道路新闢可通輿馬江外皆土舍昂此地

密勒勒有昂火峇

密勒勒東南歷大黑布沼小黑布沼八倒哨矣峭哨
山白村至三鄉城三亭昂火地止於小黑布沼八倒
山趾有水田有馬者竜鄉矣堵有阿寧鄉龍騰宿寨
山白村有大勒哨山草海子皆平行三鄉北達交水
南入廣南實東偏名區土酋阿機負固叛官兵盪之
以廣西府經歷鎮其地漢官畏瘴毒不敢入酋長龍
騰宿普國祥輦構兵如亂繩焉自三鄉縣會彌勒灣
入廣南路

縣寶月關東分岐至阿用寨七亭

阿用寨東循西洋江至老太莊七亭

老太莊東歷打魚莊入富州界過板湖寨度西洋江
沿江道迤崖峻山後有那齊寨竇盜數共七亭至花
甲洞地界有野處之所又九亭至耿牙寨去花甲洞
二亭花甲有洞官羅氏服役廣南富州之間
耿牙東至高山公館八亭

高山東至東坡七亭有野處之所

東坡東至歸朝七亭富州首沈氏居焉其地負崇山
面河寨夷千餘家沙徭兼有之遠望有雲氣如絮罩
其上炎熱多瘴

歸朝東七亭至架村

架村東歷莫村昔為文趾偽王莫氏地歸朝酋新得

之盡日行箐中十亭而達鎮安州

縣富州有徑路東南二日可達歸朝亭里未詳

縣歸朝有徑路東南四日可達歸順州道里未詳

縣歸朝東至四亭

地名地六亭

四亭

地名地東至者散四亭

者散東至者今四亭

者今東至博隘三亭博隘有大江舟行達田州四日

又八日而達南寧府

縣廣南府東歷鋪兵村弄董抵弄魯下賓利十二日

而達田州道縣泗城州有土酋岑天章與父紹勳得

兵東行者皆開泗城

自雲南縣臨安彌勒灣廣南昌州歸順至南寧府二千一百二十里

縣宜良彌勒三鄉至彌勒灣七里二十七里

縣彌勒州廣西府至三鄉縣一百九十五里

縣寶月關歸朝至鎮安七百一十里并歸朝至博隘廣南至泗城田州通為廣南路

昔兩路之通也仕宦商賈間出廣南其人聞華言則相視而笑遺以食鹽枳榔金線烟喜出過望以米薪豚酒酬焉行旅野宿無盜賊之虞頃歲滇粵往來者踵相接有亡命竄其中導之初以數人持刀盾伏於箐同行者誤而出行者大駭奔去委二

篋於地發之皆兼金也其後每刳必大獲有聚數
百人要於路者羅貢苟把納桑為淵藪諸酋者歸
順最賢北來皆索其兵而其下必索重賂乃呵護
出疆鎮安酋苟求無厭而仕宦為甚拂其欲無得
免者行旅以廣南為畏途矣噫諸夷渾沌也重利
以啓之奸人以誘之竅之下鑿者鮮矣老氏云不
見可欲使心不動噫豈特廣南一路為然哉

縣雲南東至宜良縣十二亭途經湯池有老大坡
宜良東至天生關七亭關右有天生橋寬平丈餘可
容車馬

天生關東至趙誇四亭

趙諤東至師宗州九亭路出夷峒中時有標奪之患
師宗東至羅平州九亭

羅平東至三板橋六亭

三板橋東至江頭七亭

江頭東走黃草壩八亭地實黔壤昔普安陷于賊州
民群聚於此廬焉

黃草壩東至鄭屯八亭有江寨蒙可涉

鄭屯東至棲草四亭

棲草東至安籠所四亭安籠地隸粵西粵師援黔道
出此關路寬衍止宿之所有公署今俱廢
安籠所東至板屯六亭

板也東至霸樓四亭過江有舟可渡自安龍至此沿
江多瘴峻嶺隘道夷寇出沒無時又三日至安隆司
安隆司東至芭蕉關四亭關險峻阨諸夷之吭
芭蕉關東至路程九亭自此至田州道俱坦夷
路程東至王店九亭

王店東至歸樂九亭界泗城田州有夷患

歸樂東至榮莊九亭

榮莊東至田州九亭州臨右江舟行八日而至南寧
田州東至舊州九亭

舊州東至上林縣五亭

上林縣東至果化縣五亭

果化縣東至隆安縣五亭

隆安縣東至大灘驛十二亭

大灘驛東至南寧府六亭

縣安龍所北九十里至羊場軍屯歷魯溝山箐

縣羊場軍屯歷窰上灰渣軍屯至水橋軍屯四十里

水橋隸貴州安南衛

水橋歷播者過普渡河系渡寨行山箐中六十里至

羅運

羅運有小箐五十里至打罕舊為永寧州治其地酷寒土人呼為膽寒訛為打罕

按崧山子詳荊江解畧曰余弭節度盤江江廣百

餘步沿江上下絕擊汰之迹水勢批巖空汨土人
謂水漲時漂篲撞舟峭壁箐嵐人跡罕入下流至
打罕聯泗城界舟船始通焉則打罕當在查城安
南之南第云舟船可通其視田州博隘放流更捷
矣然迄無行者豈劇夷未如疊後盤剝為苦乎抑
夷僚若寇不欲漢人出其地故榛蕪難闢乎姑記
之以俟知者

卷山子姓鄭名是揚陽人為貴
州提學副使歷左布政見縣志

打罕五十里至羅架有小箐有泗城頭目居此

羅架五十里至火烘舊鎮寧州治此今泗城鎮寧分

屬焉其地炎多瘴

火烘歷高補籠寨有寨夷為盜行者必以火烘兵衛

道又歷猪場壩為安順十二枝地無定屬夷寇實為
共三十五里至康佐長官司扁担關為土酋余騰龍
地全黔叛惟騰龍効順關此路通滇

扁担關歷長冲崖上接土酋薛火境縣高磨堡石堡
軍也普定伍官也至平壩五十五里其地軍也衛士
皆參將范邦雄攝之雄有勇畧為水酋所憚諸
此賴保聚焉

自湯池縣羅平黃草壩安籠所至南寧府一千六里
九十里

自安籠所分岐至平壩衛連東路三百三十里通為
羅平路

漢番禺令唐蒙風曉南粵南粵食蒙枸醬詢之蜀
賈人知夜郎臨牂牁江江廣數百餘步足以行船
南粵以財物役屬夜郎西至桐師遂上書欲發夜
郎兵浮牂牁江出不意以制粵今按牂牁郡屬縣
至句町卧漏則羅平黃草大畧皆夜郎地所云浮
船制粵非耶博隘田州之間乎田苗殺夫妻母但
喜歡聞殺人如芟草芥行旅逢其怒多罹害又安
籠以東有行竟日無水多至數十人則無米可易
者是以出其途者鮮少或識其道里而山川闕焉
然視廣南則徑矣火烘打罕故為二州漢官不蒞
其地僑寓二衛諸酋雜處頃歲槃江東西盡叛惟

余苗効順滇黔借徑通聲息始識此路因併志之
水路

金沙江考

附圖

江源出吐番共龍州東至巨津寶山三面環麗江至
鶴慶受漾共江諸水又東經北勝受桑園新潭程海
諸水又東經姚安受蜻蛉大姚龍蛟諸水又東經楚
雄定遠縣受龍川諸江水又東至武定元謀縣受其
寧河又東至祿勸州受滇池海口青魚塘甸基武七
三泊始甸螳川後甸松坪祿脰兩竜羅次石門五道
河羅畝大石壩富民赤舊壩普渡河廣翅塘諸水又
東經會禮州受寧遠越溪雙橋長河瀘沽打冲東河

熱池諸水又東經東川濟慮部過烏橢山受尋甸牛欄江壁谷川齒化溪諸水又東經烏蒙南又東經馬湖受尼溪大小紋溪諸水又東至叙州府入於江前
僉事王惟賢議自雲南海口開至安寧羅末畹民只舊你革達古普渡安革法法革干土色江邊納木沽共十三程內土革有疊水自武定金沙江巡檢司至罵喇母白馬口漿喇則五曲革直勤則卓刺除魯圭寧折答甸沙吉撒麻村至土色大河阿納木姑凡十四處內則卓沙吉有疊水近莊按察使祖誥議自巡檢司開錄白馬口歷普隆紅巖石喇鯨至廣翅塘皆祿勸州地其下有三灘水溢沒石乃可放舟洄則躋

岸纜空舟以行又歷至勒村罵喇土色皆會禮州地
其下有雞心石石如堆者三疊江中舟者相水勢緩
急可行又歷踏照亂得頭峽喇鄭至粉壁灘甚駛皆東
川地又歷驛馬河新灘至虎跳灘陰溝洞皆巧家
地虎跳湍渴陡石不可容舟陰溝二山頗集水行山
腹中皆從陸過灘易舟而下又歷大小流灘為蠻夷
司地又歷黃郎木鋪貴谿寨紫灘至南江口為烏蒙
府地始安流自廣翅塘至南江木商行之可十日又
至文溪錫索江邊數灘歷麻柳灣教化巖為馬湖府
地又歷拽灘蓮花三灘會溪石角灘至取州府

按金沙經營滇北合江漢朝宗為南國紀昔在草

昧尼落雄魄南土憑恃斯險負固抗衡今車書大
同極滇西鄙遠及窮髮輒跡俱遍而其通道要津
反棄之以與烏蠻巧色俾茲蟠踞非所以弘一統
也攷之紀載漢武先擊勞浸靡莫以兵臨滇池而
偽王倪首華陽國志云自僰道至朱提有水道步
道水道有黑水及羊官水至險難行步道至三津
亦艱阻而行人為之謠曰楫溪赤水盤蛇七曲盤
羊烏櫓勢與天通今烏櫓在東川即絳雲弄其山
多雪四時不消金沙統出其下羊官黑水非指茲
江乎元至元十四年詔開烏蒙道愛魯帥師擊至
連州所過城若盡下之水陸皆置驛傳今烏蒙有

羅佐關其下有羅佐橋為入滇要路則水路皆在
東川烏蒙間卽所稱勞浸靡莫非乎覈形勢商利
鉅未有不先關此險而能控荒服破岑寂者壅塞
磯怒漩湫瀑瀉地之險也畫州啓道崇伯子之智
可師也陰陽詞說盜弄甲兵人之險也三表五餌
懷王傳之畧可仿也茲江苟通則滇池之輕舸可
挽而之普渡建越之艤艦可汎而下瀘沽通滇蜀
舳舨之會續長江衣帶之勢是使諸夷不長纓而
繫十里郡可乘頤而挈也大哉

高皇帝之言曰關索嶺非正路正路當在西北猶之
遠矣